

天台四教儀集註卷第七

世八

南天竺沙門 蒙閻

集

次明通教者

四教義一云此教明因緣即空無生四
真諦理是摩訶衍之初門也

遠通常住故一

正爲

菩薩傍通二乘

通機

故諸大乘方等及諸般

若有二乘得道者爲同稟此教也

通部問何

故不名共教答共名但得二乘近邊不得
遠邊若立通名近遠俱便言遠便者通別

通圓也

通前藏教通後別圓故名通教

此望前望後獨就菩薩釋通教名釋籤九

二十一云通近同三藏通遠如別教四念處二

初有三通義一因果俱通當教是二因

通而果非通即被接者是三通別通圓即

藉通開導人是謂別圓用通而爲方便但
成別圓因果人也此三通義唯在菩薩今
文通後別圓者下文釋出雖但被接意亦
該於藉通開導也

又從當教得名謂三人同以無言說道體色

入空故名通教


此通就三乘釋通教名若三藏諦緣度三
法分三乘今通教三乘同觀無生四諦同
體假入空觀十二因緣同觀六波羅密見
第一義而分三乘之別者但總相別相等

智斷結侵習自行化他根性不同耳言說
是是事即空故無輔行六上十六云通人既
觀諸法如幻本不生今無所滅名之爲
體文謂體六凡依正之色如幻如化當體
即空而入真理也

依大品經乾慧等十地即是此教位次也



此是三乘共位若明三借等義者一三乘
共借別教始終位次二單借別教十地亦
三乘共三別爲菩薩借別一教又別爲菩
薩立忍名別明菩薩燋炷十地大品更說
十地菩薩爲如佛併圖于后





別明菩薩燒炷十地妙玄四三十云別圓各逗一種根性故用發真爲初談別初地圓初住通教爲逗多種根性所謂別圓入通故含容取乾慧耳大品明初地燒炷大論明三所燃喻意三處者遇別圓也三教合言通說故曰別圓入通非被接義若鈍

一乾慧地未有理水故得其名即外凡位與藏教五停心總別等三位齊
三乘之初同名乾慧用體法念處等觀雖未得煥法相侶理水而總相智慧深利故稱乾慧也

二性地相似得法性水伏見思惑即內凡位與藏教四善根齊

性地中無生方便解慧善巧轉勝於前得

雜故又乾慧初談何位伏惑倒如單借十

地如輔行或云利根即伏即斷大品更說十地菩薩爲如佛輔行明通二種如佛以釋大品一別爲菩薩立忍名第十亦名菩薩地對共佛地故云如也又被接人至十地破無明能八相作佛似通佛教故云如也釋籤亦明圓教觀行如佛相似如佛但非今通教所論

相似無漏性水故言性地也

三八人地四見地此二位入無間三昧斷三界八十八使見盡發真無漏見真諦理與藏教初果齊

三乘信法二行體見假以發真斷惑在無

間三昧中八忍具足智少一分故名八人即八忍也三乘同見第一義無生四諦之理同斷見或八十八使盡也無間三昧等

者止觀六六云若言三地者據斷見初言

四地者據斷見後皆不出觀文輔行六上

七七云通雖二地斷時仍促二乘共故雖促復長是故須分三地四地

五薄地斷欲界九品思前六品與藏教二果

齊

體愛假即真發六品無碍斷欲界六品證

世六

五

第六解脫欲界煩惱輕薄也

六離欲地斷欲界九品思盡與藏教三果齊體愛假即真斷欲界五下分結盡離欲界煩惱也

七已辨地斷三界見思惑盡但斷正使不能侵習如燒木成炭與藏教四果齊聲聞位齊此

三乘之人體色無色愛即真斷五上分結

七十二品盡也斷三界事惑究竟故言已

辨地文燒木成炭四教義三十二引智論云

聲聞智慧力弱如小火燒木雖然猶有炭在聲聞位齊此者輔行六上七云通教二乘七地已前與菩薩共名共聲聞若爾八

地已上過二乘地何故亦名共菩薩耶答以初名後從立本名不同別圓始終別故

八辟支佛地更侵習氣如燒炭成灰

緣覺發真無漏功德力大故能侵除習氣
也燒炭成灰者四教義三十引大論云緣
覺智慧力勝如大火燒木木然炭盡餘有
灰在

九菩薩地正使斷盡與二乘同扶習潤生道

觀雙流游戲神通淨佛國土

從空入假道觀雙流深觀二諦進斷習氣
色心無知得法眼道種智遊戲神通淨佛

國土成就衆生學佛十力四無所畏斷習

氣將盡也扶習潤生者輔行五下廿云大

品云留餘殘習以誓願力及扶餘習而生

三界利樂有情文此教亦無中道應本以

誓扶習而生三界道觀雙流者道謂化道
觀謂空觀帶空出假故曰雙流遊戲神通

其八

六

玄記下五云前斷正使今侵二習至于佛

者遊諸世間譬如兒戲亦如幻師種種變
現神名天心通名慧性天然之慧徹照無
碍淨佛國土者一切諸行無非菩薩淨土
之行如以布施攝衆生菩薩成佛時布施
衆生來生其國等是也

十佛地機緣若熟以一念相應慧頓斷殘習
坐七寶菩提樹下以天若爲座現帶劣勝應
身成佛爲三乘根性轉無生四諦法輪緣盡
入滅正習俱除如炭灰俱盡

上釋諸位具如妙玄四八過菩薩地則入

佛地用誓扶餘習生闇浮提八相成道五
相同三藏唯六成道樹下得一念相應慧
與無生四諦理相應斷一切煩惱習盡具
足力無畏等名之爲佛頓斷殘習者觀音
玄記下五云前斷正使今侵二習至于佛

地見思習盡真諦究竟塵沙習盡俗諦究

竟七寶天衣者表殊勝自然也現帶劣勝應者通佛亦是丈六之身或十里百億神通變現耳住空故劣住中故勝以通教有

合身義故云帶劣勝應舊問別圓成道在

梵文

七

初寂場鹿苑唯明三藏成佛今通教佛爲

何處成如法師云只一金剛土臺成道四

機所見不同若寂場鹿苑自論大小兩始

轉法輪處不可以難成道也然通教佛合

明八相今但明成道等者以由此三稍異

三藏前五不異故畧不論緣盡入滅者第

八涅槃相妙玄三四十云雙樹入無餘涅槃

薪盡火滅留舍利爲一切人天福田也正

習俱除兼前總舉炭灰俱盡四教義三

十

云大論云諸佛智慧力大如劫燒火炭灰

俱盡

經云三獸度河謂象馬兔也論斷惑不同故

又經云諸法實相三乘皆得亦不名佛即此

教也

河喻空理菩薩正習俱盡如象得底支佛

侵習如馬次深聲聞斷正使如兔最淺涅槃經

又經云者文出華嚴彼云諸法實性相

三乘亦皆得而不名爲佛幻有之俗名爲

諸法即空之理名爲實相乃真空實相也

菩薩至果名佛言不名佛者以中奪偏耳

彼經不共二乘那作此說如拾遺記云彼

部雖無小機稟教何妨說於三乘猶淺顯

圓佛乘文彼後分經明四乘品故斥三乘

非佛乘也

此教三乘因同果異證果雖異同斷見思同

出分段同證偏真

三因大同三果小異異則習盡不等同乃
共觀即空不同三藏諦緣度別分段者支
分形段三界生死也

然於菩薩中有二種謂利鈍

世六

此約接不接而分利鈍

八

鈍則但見偏空不見不空止成當教果頭佛
行因雖殊果與藏教齊故言通前

修因克果果在於上故曰果頭通教菩薩
扶習潤生雖異藏教伏惑行因斷惑證理

不別故言通前結釋前文通前藏教也

若利根菩薩非但見空兼見不空不空即中
道分二種謂但不但若見但中別教來接若
見不但中圓教來接故言通後

利根被接被字去聲如來被下之義此約

應說如云說圓中道被而覆之也若上聲
呼此就機論如云通教利根被別圓接接
即點示接入也然被接義散出諸經大品
八地聞中大經空不空一切法趣非漏非
無漏楞伽三種意生身大經三十六文末

一生二生等若具明者謂大經十二明四
諦後列八二諦章安作七二諦消之初一
是總餘七是別此於四正復論三接故名
七種二諦古來二十三家明乎二諦唯莊
嚴開善檀風流之名莊嚴謂佛果出二諦
外即今開善謂佛果不出二諦通當被接
九曲盡如來逗機設化之相故名被接則於
諸經無所壅矣古明被接不出三義以含
中爲發源點示爲機要發習爲根性以通
教巧故一真含二中利根菩薩纔證真空

即爲點示如妙玄明別接通中寄三法以示三根解源謂非漏非無漏空不空一切法趣如釋籤三十九具釋然由利根發昔所習方可點示若鈍根菩薩同二乘人直至法華方乃被會非但見空等者止觀三十六

引大經云二乘之人但見於空不見不空智者非但見空能見不空不空即大涅槃離邊名但即邊名不但

問何位受接進入何位答受接人三根不同若上根三地四地被接中根之人五地六地下根之人七地八地所接之教真似不同若似位被接別十迴向圓十信位若真位受接別初地圓

初住初問所接次問能接答中就被接機發習遲速以論三根輔行以四地爲上六

七爲中八九爲下今進一位者教位從容或進退故此答初問所接之教等者答次問也所即語辭別向圓信按位接也別地圓住勝進接也據上似位被接真位受接應作被字蓋以能從所也輔行三下八云若接入教道在回向中若接入證道即在初地苦接圓亦分教證比說可知文又別圓接通接聖不接賢接真不接俗若圓接別接俗不接真接賢不接聖又妙玄順能詮教約教道邊具明三接止觀爲成觀故從所詮理約證道邊唯明一接然圓頓止觀亦明被接者爲知通塞復以思議顯不思議也如釋籤三十七

問此藏通二教同是三乘同斷四住止出三界同證偏真同行三百由旬同入化城何故

分二答誠如所問然同而不同所證雖同大小拙不通於大故小析色入空故拙此教三人雖當教內有上中下異望通三人則一槩鈍根故須析破也通教則界內大巧大謂大

乘初門故巧謂體色入空故雖當教中三人上中下異若望藏教則一槩爲利

然藏通三乘斷惑出界證理雖同教行有異大小約小衍巧拙論體析對界外方便等土名界內教以此二教化界內也不通於大故小不能遠通常住故析色入空者外計鄰虛不出斷常今總觀色心生滅非斷非常對破外道汝析非正如止觀三廿六輔行下三廿四通後別圓故是初門了知諸法如幻如化當體即空

士

問教既大乘何故有二乘之人答朱雀門中何妨庶民出入故人雖有小教定是大大乘兼小漸引入實豈不巧哉般若方等部內共般若等即此教也畧明通教竟

天子南門謂之朱雀漸引入實明佛意也

釋籤四九云不同三藏四阿含等別有部帙今以諸部方等諸般若中但是三乘共行即判屬通文今文通指般若方等下但云共般若蓋方等彈斥共義稍踈故

次明別教者此教明界外獨菩薩法教理智斷行位因果別前二教別後圓教故名別也涅槃云四諦因緣有無量相非聲聞緣覺所知諸大乘經廣明菩薩歷劫修行行位次第互不相攝此並別教之相也

四教義一三云別者不共之名也若名不

共但異藏通未異圓教故但名別此教明因緣假名無量四聖諦理的化菩薩不涉

二乘別義畧明有八謂教理智斷等也教

則獨被菩薩理則隔歷三諦智則三智次

第斷則三惑前後行則五行差別位則位

不相收因則一因迥出果則一果不融

釋籤
一十五 在因說理不在二邊故云迥出復說果理諸位差別故云不融

獨被

菩薩故別前隔歷次第故別後涅槃云等

乃聖行品明四種四諦中無量四諦即別

教義謂苦集滅道各各因緣皆有無量相

是菩薩法豈二乘所知乃以涅槃對鹿苑

說故云非聲聞等也此證別前藏通諸大

乘經等者釋籤四指華嚴方等般若中

歷別行法即是其相然方等中多以別行

斥於小行般若中多以別法展轉融通華

文

三

嚴正當歷別之行文如別行玄下四別行記下六既時長行遠次第隔歷此證別後

圓教

華嚴明十住十行十迴向爲賢十地爲聖妙

覺爲佛纓絡明五十二位金光明但出十地

佛果勝天王明十地涅槃明五行如是諸經

增減不同者界外菩薩隨機利益豈得定說

此出諸大乘經行位次第之義華嚴前無

十信後無等覺於十住品前明十梵行自

古講者指爲十信四念處三初於十住中

多明圓義於登地中多明別義文故華嚴

位義通圓別今且示別故云住行向爲賢

十地妙覺爲聖本業瓔珞亦明六輪如法數對

金光明指真諦所譯者勝天王即般若也

五行者聖梵天病嬰兒也又仁王般若明

五十一位但無等覺然上諸經隨機明位
雖增減不同莫非次第故屬別也

然位次周足莫過纓絡經故今依彼畧明菩薩歷位斷證之相以五十二位東爲七科謂信住行向地等妙又合七爲二初凡二聖就

世六

十三

凡又二信爲外凡住行向爲內凡亦名爲賢約聖亦二十地等覺爲因妙覺爲果大分如此自下細釋

瓔珞凡聖位足故今依彼以明別義然凡聖位中有教證二道此本出乎地論今家借用有二義焉一者玄文借證權實部二者輔行借消別門良由地論兩種教道皆爲方便兩種證道皆爲真實義同部味昔權今實是故借用若輔行借消別教教證者由今別教教權證實既與三教一向不

同其義難曉而地論師教道方便證道真實名義宛同故借用之如輔行云是故今家借用地論教證二道以消別門於中先須知於二意一者約行地前爲教登地爲證二者約說爲地前說始終屬教乃至結云若讀玄文善須曉此教證二道則別門可消應知地論雖有四種玄文借用證權實部但成二意輔行借用但成三義何者以由此教行分教證說唯教道是則能詮之教始終是權所被之機地前屬權初地證實舊於借消別門亦立四種者且約說證道爲權爲實若權則違教權證實借證權實之義若實則背有教無人之文況地論正申華嚴十地論師不分圓別之異但約教證明方便真實如云若說十地已證

之法彼爲實證安可約彼立別說證既云借證可全同耶又別位中復有豎入橫學兩種四教釋籤十七云別教十住修生無生十行修於無量十向修於無作登地證於無作故云有四又十行中習諸佛法具

世六
足入於一十六門亦名爲四問住已習八何故行中更習十六答前是自行隨用一

門後爲化他是故行中更習前八是故十六俱須廣習文更有三根出假十信上根十住中根十行下根四教俱論三根
出假如止觀六廿三

又對五忍十信伏忍十住信忍十行去柔順忍十地無生忍妙覺寂滅忍妙宗中十位
亦對圓若論真緣二修則地前爲緣修登地爲真修緣謂作意緣念真謂任運相應元是地師之義今家復加觀義空假爲緣中道

爲真通圓亦有此之二義云六種性習如
下對初言十信者四教義四三云此十通
名信心者信以順從爲義若聞說別教因
緣假名無量四諦佛性之理常住三寶隨
順不疑名信心也文

一信二念三精進四慧五定六不退七迴向
八護法九戒十願

信常住理名曰信心憶念無忘名曰念心
真精進趣名精進心心精智慧名曰慧心
周徧湛寂名曰定心定光無退名不退心

主

主

保持不失名護法心回向佛地名迴向心
今文回向在護法前此依舊譯瓊珞經說安住無失名爲戒心
十方隨願名曰願心文此依楞嚴釋
信名但彼在圓此十位伏三界見思煩惱故名伏忍位外與

藏教七賢位通教乾慧性地齊

妙玄四卅二此十信習從假入空觀伏愛

見論文觀音玄下四云十信通伏諸惑正

伏四住文伏忍位輔行九下五云仁王用

五忍以判別位文妙宗中八云若依別教

十信伏忍仁王經疏中十云未得無漏未

能證但能伏不能斷故爲伏忍智也與藏

通齊者格量伏惑義齊也下去格量集此此位出

假即名上根淨名疏七十二云菩薩化物心

重自行則輕故慈悲重者不務斷結從相

似空解即便出假見思未斷故言有疾文

次明十住者

四教義四五云此十通名住者會理之心

名之爲住

一發心住斷三界見惑盡與藏教初果通教八人見地齊二治地三

修行四生貴五具足方便六正心七不退已

六住斷三界思惑盡得不退與藏道二佛齊

於諸劫中行十信心不作邪見廣求智慧

名發心住常隨空心淨諸法門名治地住

長養衆行名修行住生在佛家種性清淨

名生貴住多習無量善根名具足方便住

成就第六般若法門名正心住入於無生畢竟空界名不退住得位不退者初住至

七住位不退八住至十向行不退初地已

上念不退妙玄四十一見思破故得位不退

真諦三昧成惡業塵沙破故得行不退俗

諦三昧成無明破故得念不退中道三昧成文

八童真九法王子十灌頂已上三住斷界內

前二不知名目

不生邪倒破菩提心名童真住從佛王教

而生於解當紹佛位名法王子住觀空無相得無生心法水灌頂名灌頂住斷界內塵沙等者正修假觀爲伏觀成俗顯爲斷輔行一下九云塵沙者譬無知數多文然塵沙惑只是通別見思就所化衆生得名妙宗上廿云衆生見思重數如塵若沙究


論其體即劣慧也如妙樂云不染污無知劣慧爲體以其不能分別藥病等也若知病識藥應病授藥令得服行即斷塵沙相也懶於化導爲塵沙習且三品塵沙與三根出假何異蓋三品塵沙約一人暨論三根出假約三人橫辨又三根出假通乎四教三品塵沙局在別論

亦名習種性用從假入空觀見真諦理開慧

眼成一切智行三百由旬

習種性者纓絡經上卷賢字函明六種性以對別位淨名疏第九亦借別名以顯圓今家立籤四教義戒疏等並依經列四念處中少有不次又地持論畧明二種亦名經彌勒造賢字函如戒疏列六種後復用二種及對教證前後生報佛

法佛併圖示



六種性者種別性分也地持第一云種性

者名爲種子名爲界名爲性

文種子不同
有六界分

又性通六位種局在因故前四名中等覺

雖因望前稱覺二種者地持經云畧說二

種性種性者是菩薩六入殊勝展轉相續

無始法爾是名性種性習種性者若從先

來修善所得是名習種性文戒疏以六種

對位後復用二種者以六位不出地前修

習登地證性故用地持結攝六種雖不顯

標意必如是況梵網是華嚴結經地持正

宗華嚴故宜用彼地持二種結攝瓔珞六

種又與約行教證其義宛齊故復例之自

古以戒疏文難今準舊註戒疏云性習二

種若據位分習種在前性種在後若據行

論性習同時前後不定標約行依體起用

緣中道理起觀行用中義先明性種後明習種尋用取體

世人

大

四念處

信住習種性

前宗釋載依經對位諸共同今四念處扶
十行道種性

太品三觀約義結對故少同信住同習空
十向性種性觀成智故對習種十行修假觀成道種
十地聖種性智故對道種十向觀中道一性成一切種智故
等覺性對性種由道性二字義通兩向道有覺導故
道性論種性一性故得互通取義而對也

生法佛
報佛登地證性合生法佛智與體
冥任運起用故不論應

佛也異解備諸章禁

梵網經中更有六
種一習種性二長養性
只是研習增長與
習種性通對十住

三性種性四不可壞性俗諦建立故不可
壞與性種通對十

行五道種性十六正法性
通教聖種等妙三種

從自行用中道體先習後性
自依體下釋與教證
二道相似就位以論教道在前證道在後
約行據行論之教證同時前後不定此依
教體起用先證後教
望證道理起教道用尋用取體先
教後證尋教道用尋中道體

習種能生報佛性種能
生法佛
報佛登地證性合生法佛智與體
冥任運起用故不論應

佛也異解備諸章禁

梵網經中更有六
種一習種性二長養性
只是研習增長與
習種性通對十住

三性種性四不可壞性俗諦建立故不可
壞與性種通對十

行五道種性十六正法性
通教聖種等妙三種

從假入空觀者次第三觀出纓絡經觀經疏三云假是虛妄俗諦也空是審實真諦也今欲去俗歸真故言從假入空觀妙宗上六云見思取境無而爲有虛假凡俗知虛名諦二空之理是審實法知實名諦不

一

九

究俗虛莫知真實要須照假方得入空是故名曰從假入空觀妙玄三十一云十住正修空傍修假中十行正修假傍修中淨名畧記下之上五若約別教爲語正觀中道爲慧眼者於十住中遠所期耳慧眼者古德頌云天眼通非礙肉眼礙非通法眼唯觀俗慧眼了知空佛眼如千日照異體還同一切智者觀音玄義下初云知一切內法內名一切能知能解一切外法外名能知能解但不能用一切道起一切種故名

一切智玄記下具釋初住斷見即離四趣身子昔生至六住有退者此見思俱斷思既未盡見亦餘殘故有退墮如四明答曰本難教行錄

次明十行者

四教義四六云此十通名行者行以進趣爲義前既發真悟理從此加修從空入假觀無量四諦

一歡喜二饒益三無違逆四無屈撓五無癡亂六善現七無着八難得九善法十真實斷界

沙塵

始入法空不爲邪動名歡喜行常化衆生使得法利名饒益行常修忍法謙下恭敬名無違逆行行大精進令一切至究竟涅槃名無屈撓行不爲無明之所失亂名無

癡亂行生生常在佛國中生名善現行於
我我所一切皆空名無着行菩薩成就難
得善根名難得行說法授人成物軌則名
善法行二諦非如亦非非相名真實行
亦云性種性用從空入假觀見俗諦開法眼

成道種智

性種性者假觀分別十界差別種性也從空入假觀者觀經疏三云若住於空與二乘何異不成佛法不益衆生是故觀空不住於空而入於假知病識藥應病授藥令得服行故名從空入假觀文道種智者觀音玄下初云能知一切道種差別則分別假名無謬故名道種智文諸文云十住修空斷見思十行修假破塵沙十向修中伏無明此以觀對位也若云初住斷見二住

至七住斷思八九十住斷界內塵沙十行
斷界外塵沙此斷惑分齊也四念處四云
十住斷界外上品塵沙十行斷中品塵沙
十向斷下品塵沙文言三品者生無生八門爲上品無量四門爲中品無作四此以惑從教也以別是界外
門爲下品教或純用假觀攝故又此十行明橫學四
且無作四門爲圓爲但若圓無作十行位
淺尚未修中如何能說以此化他耶若謂
但中釋籤五初云各附彼教而爲相狀文既附彼圓豈應是但雜編五十四云十向圓
修可由實道智轉行融乃修圓中十行無作且順權
方只是但中無作良以修中之位已深出假之位
尚淺位深故知昔日化他無非妙行位淺
故知將來自行亦是但中不可以實難權
以他妨自文其說切當學者知之附彼圓

教但爲明於無作相狀能附豈可全同深位然此出假若果但中圓機起時何以赴之當知圓機自感圓應十行出假乃教道說無稽之間不足評矣

次明十回向者

四教義四七云此十通名回向者回事向理回因向果回已功德普施衆生事理和融順入法界故名回向四念處三十云別向圓修文雪川云可由實道雜編但不全圓修方曰此據得意者智轉行融及證道說也

若三觀次第惟修但中據不得意者及教道說也

一救護衆生離衆生相二不壞三等一切諸佛四至一切處五無盡功德藏六入一切平等善根七等隨順一切衆生八真如相九無

縛無著解脫十八法界無量

伏無明習中觀

以無想心常行六道而入果報不受而受名救護衆生離衆生相觀一切法有受有用念念不住名爲不壞三世佛法一切時行名等一切諸佛以大願力入一切佛土

供養一切佛名至一切處以常住法授與前人名無盡功德藏行無漏善善而不二名入一切平等善根以觀善惡無二一相名等隨順一切衆生心得自在等三世佛常照有無名真如相以般若照三世諸法是一合相名無縛無著解脫覺一切法中道無相名入法界無量伏無明習中觀者

集解云空假之心既已滿足正修中道第一義觀無明不起悉伏故也

文亦明道種性行四百由旬居方便有餘土上已

二十七位爲三賢亦名內凡
從八住至此爲行不退位

道種性者始正修中故名道能生佛果故

名種行四百由旬必約生死處加方便土
約煩惱加塵沙約觀智加假觀以此增前
爲四百也方便有餘土者觀經疏五云修

方便道斷四住惑故曰方便無明未盡故
曰有餘行不退者化他行滿無退轉也前
七住還斷惑證空名位不退後初地去名
念不退中道正念二邊莫動
次明十地者

四教義四八云此十通言地者一能生成
佛智住持不動二能與無緣大悲荷負一
切故名爲地也文

一歡喜從此用中道觀破一分無明顯一此
分三德乃至等覺俱名聖種性

是見道位又無功用位百界作佛八相成道

利益衆生行五百由旬初入實報無障闇土
初入寶所

捨凡入聖四魔不動到有無邊平等雙照
名歡喜地從此用中道觀者四教義四七
云從此見佛性發中道第一義諦觀雙照

二諦心心寂滅自然流入薩婆若海證無
作四諦一實平等法界圓融丈破一分無
明顯一分三德者無明乃是障中道之別
惑無明分破中道分顯法身般若解脫是
爲三常樂我淨故稱德應知初地所破無

明細分三品中上雖破猶在回向後心至
三品盡方入初地俱名聖種性者據同證
論準經必須開等覺性見道位者四教義
四七云從初地至佛地皆斷無明但以約
位分爲三道初地名見諦道二地至六地

名修道從七地已去名無學道文初地斷無明別見發真中道故云見道大經云自

此已前皆名邪見人也故知兩教三乘別教地前未見中道未斷別見皆名邪見人也此約證道同圓初地即同初住故也又

無功用者既至初地不加功力任運流入

薩婆若海百界作佛者四教義四八云初

發真中道見佛性理斷無明見惑顯真應

二身緣感即應百佛世界現十法界身入

三世佛智地能自利利他真實大慶故名

歡喜地也文輔行七下廿四引瓔珞云如初

地百界二地千界乃至萬億等界現身亦

爾文行五百由旬者約生死處加實報土

約煩惱加無明約觀智加中觀實報無障

礙土者觀經疏六云行真實法感得勝報

色心不相妨故言無障礙文寶所者喻分證寂光也

天台四教儀集註卷第七

音釋

擅視戰切
專也

編卑綿切
連也

雲大治切
書新也